

La ARLeF a Friûl Doc 2018

La Lenghe Doc dal Friûl protagoniste de manifestazion

La presince de ARLeF a Friûl Doc e je aromai une bieles usance. Ae edizion numar 24 de manifestazion enogastronomiche (che si è davuelzude a Udin dal 13 ai 16 di Setembar), la Agenzie Regjonâl pe Lenghe Furlane e à dât acet a un grant public intal spazi istituzionâl “Lenghe Doc dal Friûl”, dedicât ae promozion, ae informazion e ae distribuzion di materiâi par furlan. Il bancut al è jere logât intal cûr dal avigniment, propit dongje de Loze dal Lionel, inte vie centrâl di Marçjât Vieri. Al vierzeve di fat la coletive de Ersâ, e propit de sinergjie tra lis dôs agjenziis regjonâls al è nassût il sproc “Semene la tô tiere, fâs cressi la tô culture”, ben visibil su ogni bancut de vie, a rimarcâ cemût che la lenghe furlane e rapresenti un trat culturâl unic, prezios e che no si pues lassâ di bande tal relacionâsi e tal promovî il teritori. Il program di ativitâts colaterâls de Agenzie al è stât invezeit dedicât ad implen ai frutins. Sabide ai 15 di Setembar, zornade di colme de manifestazion, e je stade fate une grande fieste cun leturis animadis, ospits speciâi, zûcs, cusine, creativitât, premis e gadgets, articolade in doi apontaments nassûts in colaborazion cul Comun (intal specific, la Sezion fruts de Biblioteche civiche “V. Joppi”) e cu la agenzie Ersâ. Il program si è viert in Biblioteche cun “Contis e zûcs par fruts Doc”, o ben un piçul festival de editorie par fruts in lenghe furlane, cu lis leturis dai gnûfs libris des seris di Free&Ulli, GjatUt, Fameis e Vielm il biel, e cul coinvolziment des cjasis editoris Futura Soc. Cooperativa, Corvino Edizioni, Kappa Vu e Orto della Cultura. A animâ il festival e a condusi i tancj zûcs a premis che a son stâts fats a jerin Daria Miani, la presentadore



Il stand de ARLeF a Friûl Doc 2018

televise cognossude di “Maman!”, e doi personaçs tant amâts dai plui piçui: Free&Ulli dal vîf!

De leture si è passâts ai fornei cun “Mastercogo pai fruts di Maman!”, un apontament divertent cun profums, savôrs, peraulis e cjançons. Il laboratori ludic didatic – ospitât inte Aree fruts de agenzie Ersâ - al è stât coordinât ancjemò une volte di Daria Miani, protagoniste televisive de divulgazion par fruts in lenghe furlane. Realizade de ARLeF e in onde su Telefriuli, la tant spietade trasmission “Maman!” e tornarà a indalegrâ ogni setemane i siei apassionâts, tacant dal prossim mê di Otubar (lis pontadis za ladis in onde a son disponibilis sul sît de ARLeF, inte sezion Multimedia).

Fruts e gjenitôrs, dulinvie dal dopomisdì di fieste e di culture, a àn ricevût de ARLeF gadgets e materiâi informatîfs che a ilustrin i vantaçs de educazion plurilengâl.



Daria Miani, che e à animât lis ativitâts pai fruts a Friûl Doc

Esports di dute Europe in ocasion de prime Summer School

NPLD: lis lenghis minoritariis a àn fat rêt a Udin



I participants al NPLD-Coppieters Campus

inviâ propit tacant di chest an. Cussì, in Friûl a son rivâts i docents e i esports di politiche linguistiche plui impuartants a nivel internazionâl, insieme a cualchi rapresentant dal Consei di Europe. Al è stât un moment di analisi e di confront une vore costrutîf, une plateforme interessante di scambi pai participants che a àn aderît al Campus in rapresentance dai diviers organisms statâi e regjonâi des minorancis linguistichis di Europe.”

Si è davuelzût a Udin, ai 13 e ai 14 di Setembar stâts, un moment interessant di confront volût de Rêt des minorancis di Europe (NPLD – Network to promote linguistic diversity, Rêt pe promozion de diversitât linguistiche) su propueste de ARLeF (Agenzie Regjonâl pe Lenghe furlane) e cul patrocini de Fondazione Coppieters di Brussel, specializade in federalisim e politichis linguistichis.

“E je stade une oportunitât straordinarie pe nestre Region che, midiant dal Consei Regjonâl, e fâs part de Rêt dal 2014 – al rimarche il diretôr de Agenzie, William Cisilino –. O vin ospitât il prin apontament de Summer University che il NPLD al à decidût di